

漢

魏

遺

書

鈔

序錄

漢志劉向五行傳記十一卷

隋唐志卷數同

前漢書本傳曰向字子政本名更生為散騎宗正給事中成帝卽位以故九卿召拜中郎使領護三輔都水遷光祿大夫上方精於詩書觀古文詔向領校中五經祕書向見尙書洪範箕子為武王陳五行陰陽休咎之應乃集合上古以來歷春秋六國至秦漢符瑞災異之記推迹行事連傳禍福著其占驗比類相從各有條目凡十一篇號曰洪範

五行傳論奏之

宋書五行志曰伏生剝紀大傳五行之體始詳劉向廣演洪範休咎之文益傳

歐陽文忠曰箕子陳洪範條其事爲九類別其說爲九章考其說不相附屬向爲五行傳乃取五事皇極庶徵附於五行以爲八事皆屬五行與則至於八政五紀一德稽疑福極之類又不能附至俾洪範之書失其倫理所謂旁引曲取而遷就其說也然自漢以來未有非之者

呂東萊曰劉向災異五行學博而未純其原出於伏生大傳

葉水心曰劉向爲王氏考災異著五行傳歸於切劇當世而漢儒之言陰陽者其學亦各有所主然洪範之說由此隳裂使經世之成法降爲災異陰陽之書矣又洪範初不爲災異而作庶徵所指明有效驗而學者乃以五行五事聯附爲一春秋以來凡有變兆離析剝解門類而戶分之以是爲格王正事則委巷小夫巫瞽之事夫豈不然而謂

篤學好古自名如仲舒向歆者亦當爾與

謨按班固前漢書五行志原本伏生尙書大傳兼
采董仲舒劉向向子歆及晁孟夏侯勝京房谷永
李尋諸家之說而劉知幾史通乃云班史五行志
出劉向洪範趙樞生亦云劉向洪範五行傳其書
不可見班書五行志乃其遺法今特從本志鈔出
向說百四十一條益以類聚初學記書鈔御覽凡若
千條分爲上下二卷

洪範五行傳卷上

漢 沛郡劉向撰

金谿何遜遠校

春秋成公十六年正月雨木冰向以爲冰者陰之盛而水滯者也木者少陽貴臣卿大夫之象也此是人將有害則陰氣脅木木先寒故得雨而冰也是時叔孫喬如出奔公子偃誅死一日時晉執季孫行父又執公此執辱之異也

桓公十四年八月壬申御廩災向以爲御廩夫人入妾所舂米之糶以奉宗廟者也時夫人有淫行挾逆

心天戒若曰夫人不可以奉宗廟桓不寤與夫人俱會齊夫人譖桓公於齊侯齊侯殺桓公

嚴公二十年夏齊大災向以爲齊桓好色聽女口以

妾爲妻適庶數更故致大災桓公不寤及死適庶分

爭九月不葬宋書五行志曰春秋齊火劉向以爲桓公好色聽妻妾數更之罰也

釐公二十年五月乙巳西宮災向以爲釐立妾母爲

夫人以入宗廟故天災愍宮若曰去其卑而親者將

宗廟之正禮

宣公十六年夏成周宜榭火向以爲十五年王札子

殺召伯毛伯天子不能誅天戒若曰不能行政會何以禮樂爲而臧之

成公三年二月甲子新宮災向以爲魯三桓子孫始執國政宜公欲誅之恐不能使大夫公孫歸父如晉謀未反宜公死三家譖歸父於成公成公父喪未葬聽讒而逐其父之臣故天災宜宮明不用父命之象也一曰三家親而亡禮猶宜公殺子赤而立亡禮而親天災宜廟欲示去三家也

襄公九年春宋災向以爲先是宋公聽讒逐其大夫

華弱出奔魯

襄公三十年五月甲午宋災向以爲先是宋公聽讒而殺太子痤應火不炎上之罰也

昭公九年夏四月陳火向以爲先是陳侯弟招殺太子偃師皆外事不因其宮館者畧之也八年十月壬午楚師滅陳春秋不與蠻夷滅中國故復書陳火也十八年五月壬午宋衛陳鄭災向以爲宋陳王者之後鄭衛周同姓也時周景王老劉子單子事王子猛尹氏召伯毛伯事王子鼂子鼂楚之出也及宋衛陳

鄭亦皆外附於楚亡尊周室之心後三年景王崩王室亂故天災四國天戒若曰不救周反從楚廢世子立不正以害王室明同臯也

定公二年五月雉門及兩觀災向以爲此皆奢僭過

度者也

殺梁傳陸引劉向云雉門天子之門而今魯過制故致天災也

先是季氏逐

昭公昭公死於外定公卽位旣不能誅季氏又用其邪說淫於女樂而退孔子天戒若曰去高顯而奢僭者一曰門闕號令所由出也今舍大聖而縱有臯二以出號令矣

哀公三年五月辛卯桓釐宮災向以爲此二宮不當
立違禮者也哀公又以季氏之故不用孔子孔子在
陳聞魯災曰其桓釐之宮乎以爲桓季氏之所出釐
使季氏世卿者也

四年六月辛丑亳社災向以爲亡國之社所以爲戒

也穀梁傳注引劉向曰亳社災
戒人君縱恣不能警戒之象天戒若曰國將危亡

不用戒矣春秋火災屢於定哀之間不用聖人而縱
驕臣將以危亡不明甚也一日天生孔子非爲定哀
也蓋失禮不明火災應之自然象也

高后元年五月丙申趙叢臺災向以爲是時呂氏女
爲趙王后嫉妬將爲讒口以害趙王王不寤焉卒見
幽殺

惠帝四年十月乙亥未央宮凌室災丙子織室災向
以爲元年呂太后殺趙王如意殘戮其母戚夫人是
歲十月壬寅太后立帝姊魯元公主女爲皇后其乙
亥凌室災明日織室災凌室所以供養飲食織室所
以奉宗廟衣服與春秋御廩同義天戒若曰皇后下
奉宗廟之德將絕祭祀其後皇后下子後宮美人有

漢書卷九十九
六
男太后使皇后名之而殺其母惠帝崩嗣子立有怨
言太后廢之更立李氏子卯爲少帝賴大臣共誅諸
呂而立文帝惠后幽廢

文帝七年六月癸酉未央宮東闕梁恩災向以爲東
闕所以朝諸侯之門也梁恩在其外諸侯之象也漢
興大封諸侯王連城數十文帝卽位賈誼等以爲違
古制度必將叛逆先是濟北淮南王皆謀反其後吳
楚七國舉兵而誅

昭帝元鳳元年燕城南門災向以爲時燕王使邪臣

通於漢爲讒賊謀逆亂南門者通漢道也天戒若曰
邪臣往來爲姦讒於漢絕亡之道也燕王不寤卒伏
其辜

元鳳四年五月丁丑孝文廟正殿災向以爲孝文太
宗之君於成周宣榭火同義先是皇后父車騎將軍
上官安安父左將軍桀謀爲逆大將軍霍光誅之皇
后以光外孫年少不知居位如故光欲后有子因上
侍疾醫言禁內後宮皆不得進唯皇后顯寢皇后年
六歲而立十三年而昭帝崩遂絕繼嗣光執朝政猶

周公之攝也是歲正月上加元服通詩尚書有明慈之性光下周公之德秉政九年久於周公上既已冠而不歸政將爲國害故正月加元服五月而災見古之廟皆在城中孝文廟始出居外天戒若曰去貴而不正者宣帝既立光猶攝政驕溢過制至妻顯殺許皇后光聞而不討後遂誅滅

元帝初元三年四月乙未孝武園白鶴館災向以爲先是前將軍蕭望之光祿大夫周堪輔政爲佞臣右顯許章等所譖望之自殺堪廢黜明年白鶴館災園

中五百里馳逐走馬之館不當在山陵昭穆之地天
戒若曰去貴近逸遊不正之臣將害忠良後章坐走
馬上林下烽馳逐免官

永光四年六月甲戌孝宣杜陵園東闕南方災向以
爲先是上復徵用周堪爲光祿勳及堪弟子張猛爲
太中大夫石顯等復譖毀之皆出外遷是歲上復徵
堪領尙書猛給事中石顯等終欲害之園陵小於朝
廷闕在司馬門中內臣石顯之象也孝宣親而貴門
闕法令所從出也天戒若曰去法令內臣親而貴者

必爲國害後堪希得進見因顯言事事決顯口堪窮
不能言顯誣告張猛自殺於公車成帝卽位顯卒伏
罪

嚴公二十八年冬大水亡麥禾向以爲水旱當書不
書水旱而曰大亡麥禾者土氣不養稼穡不成者也

宋五行志引此
文作春秋說 是時夫人淫於二叔內外亡別

昭公八年春石言於晉向以爲石白色爲主屬白祥
桓公元年秋大水向以爲相弑兄隱公民臣痛隱而
賤桓後宋督弑其君諸侯會將討之桓受宋賂而歸

又背朱諸侯由是伐魯仍交兵結讎伏尸流血百姓
愈怨故十三年夏復大水一日夫人驕淫將弑君陰
氣盛桓不寤卒弑死

嚴公七年秋大水亡麥苗向以爲嚴母文姜與兄齊
襄公淫共殺桓公嚴釋父讎後取齊女未入先與之
淫一年再出會於道逆亂臣下賤之之應也

十一年秋宋大水向以爲時宋愍公驕慢賭災不改
明年與其臣宋萬博戲婦人在側矜而罵萬萬殺公
之應也

二十四年大水向以爲哀姜初入公使大夫宗婦見用幣又淫於二叔公弗能禁臣下賤之故是歲明年仍大水

宣公十年秋大水向以爲宣公殺子赤而立子赤齊出也故懼以濟西田賂齊邾子貜且亦齊出也而宣比與邾交兵臣下懼齊之威剗邾之旤皆賤公行而非其正也

成公五年秋大水向以爲時成幼弱政在大夫前此一年再用師明年復成鄆以疆私家仲孫蔑叔孫僑

如顯會宋晉陰勝陽

襄公二十四年秋大水向以爲先是襄慢鄰國是以
邾伐其南齊伐其北莒伐其東百姓騷動後又仍犯
疆齊也大水饑穀不成其災甚也

庶徵之恒雨向以爲大水

隱公九年三月癸酉大雨震電庚辰大雨雪向以爲
周三月今正月也當雨水雪雜雨雷電未可以發也

既已發也則雪不復當降皆失節

穀梁傳注引此文云雷未可以出電

未可以見雷電既已出見則雪不當復降皆失節也雷電陽也兩雪陰也故謂之異於易

雷以二月出其卦曰豫言萬物隨雷出地皆逸豫也

以八月入其卦曰歸妹言雷復歸入地則孕毓根核

保藏蟄蟲避盛陰之害出地則養長華實發揚隱伏

宜盛陽之德入能除害出能興利人君之象也類聚引此

文云雷於天地為長子以其首長萬物為出入也雷二月出地百八十日雷出則萬物出八月入地百八

十日雷入則萬物入入則除害自則興利人君之象也是時隱以弟桓幼代而

攝立公子翬見隱居位已久勸之遂立隱既不許翬

懼而易其辭遂與桓共殺隱天見其將然故正月大

雨水而雷電是陽不開陰出涉危難而害萬物穀梁注引

此文云雷出非其時者是陽不能閉陰陰氣縱逸而將爲害也 天戒若曰爲君失時

賊弟佞臣將作亂矣後八日大雨雪陰見閉隙而勝陽篡殺之既將成也公不寤後二年而殺

鄭子臧好治鵠冠文公惡之使盜殺之向以爲近服妖

昭帝時昌邑王賀遣中大夫之長安多治仄注冠以賜大臣又以冠奴向以爲近服妖也時王賀狂悖聞天子不豫弋獵馳騁如故與騶奴宰人游居娛戲驕慢不敬冠者尊服奴者賤人賀無故好作非常之冠

暴尊象也以冠奴者當自至尊陸至賤也其後帝崩
無子漢大臣徵賀爲嗣卽位狂亂無道縛戮諫者夏
侯勝等於是大臣自皇太后廢賀爲庶人賀爲王時
又見大白狗冠方山冠而無尾此服妖又犬旤也賀
以問郎中令龔遂遂曰此天戒言在仄者盡狗冠也
去之則存不去則亡矣賀旣廢數年宣帝封之爲列
侯復有皇死不得置後又犬旤無尾之效也

周景王時大夫賓起見雄雞自斷其尾向以爲近雞
旤也是時王有愛子子鼂王與賓起陰謀欲立之田

於北山將因兵衆殺適子之黨未及而崩三子爭國
王室大亂其後賓起誅死子鼂奔楚而敗

宣帝黃龍元年未央殿輅軫中雌雞化爲雄毛衣變
化而不鳴不將無距元帝初元中丞相府史家雌雞
伏子漸化爲雄冠距鳴將永光中有獻雉雞生角者
向以爲雞者小畜主司時起居人小臣執事爲政之
象也言小臣將秉君威以害正事猶石顯也竟寧元
年石顯伏罪此其效也

成公七年正月鼯鼠食郊牛角改下牛又食其角向

以爲近青祥亦牛甗也不敬而備霽之所致也昔周公制禮樂成周道故成王命魯郊祀天地以尊周公至成公時三家始顯政魯將從此衰天愍周公之德痛其將有敗亡之甗故於郊祭而見戒云鼠小蟲性盜竊臙又其小者也牛大畜祭天尊物也角兵象在上君威也小小臙鼠食至尊之牛角象季氏乃陪臣盜竊之人將執國命以傷君威而害周公之祀也改卜牛臙鼠又食其角天重語之也成公怠慢昏亂遂君臣更執于晉至于襄公晉爲溴梁之會天下大夫

皆奪君政其後三家逐昭公卒死于外幾絕周公之

祀

宋王行志引劉向說曰春秋郊牛死
祀曰宜公區晉昏亂故天不饗其祀

定公十五年正月鼯鼠食郊牛牛死向以爲定公知
季氏逐昭公罪惡如彼親用孔子爲夾谷之會齊人
俵歸鄆謹龜陰之田聖德如此反用季桓子淫於女
樂而退孔子無道甚矣詩曰人而亡儀不死何爲是
歲五月定公薨牛死之應也

哀公元年正月鼯鼠食郊牛向以爲天意汲汲於用
聖人逐三家故復見戒也哀公年少不親見昭公之

事故見敗亡之異已而哀不寤身奔於粵此其效也
釐公二十一年夏大旱向以爲齊桓既死諸侯從楚
釐尤得楚心楚來獻捷釋宋之執外倚彊楚炕陽失
衆又作南門勞民興役

嚴公十七年冬多麋向以爲麋色青近青祥也麋之
爲言迷也蓋牝獸之淫者也是時嚴公將取齊之淫
女其象先見天戒若曰勿取齊女淫而逃國嚴不寤
遂取之夫人旣入淫於二叔終皆誅死幾亡社稷
向以爲春秋無冰也小與不書無冰然後書舉其大

者也

桓公十五年春無冰向以爲周春今冬也先是連兵鄰國三戰而再敗也內失百姓外失諸侯不敢行誅罰鄭伯突篡兄而立公與相親長養同類不明善惡之罰也

成公元年二月無冰向以爲時公幼弱政舒緩也

襄公二十八年春無冰向以爲先是公作三軍有侵陵用武之意於是鄰國不和伐其三鄙被兵十有餘年因之以飢饉百姓怨望臣下心離公懼而弛緩不

敢行誅罰楚有夷狄行公有從楚心不明善惡之應也

釐公三十三年十二月隕霜不殺草向以爲今十月周十二月於易五爲天位爲君位九月陰氣至五通於天位其卦爲剝剝落萬物始大殺矣明陰從陽命臣受君令而後殺也今十月隕霜而不能殺草此君誅不行舒緩之應也是時公子遂顓權三桓始世官天戒若曰自此之後將皆爲亂矣文公不寤其後遂殺子赤三家逐昭公

書序曰伊陟相太戊亳有祥桑穀共生向以爲殷道
既衰高宗承敝而起盡涼陰之哀天下應之既獲顯
榮怠於政事國將危亡故桑穀之異見桑猶喪也穀
猶生也殺生之柄失而在下近草妖也

書序又曰高宗祭成湯有蜚雉登鼎耳而雉向以爲
雉雉鳴者雄也以赤色爲主於易離爲雉雉南方近
赤祥也

蓋公三十三年十二月李梅實向以爲周十二月今
十月也李梅當剥落今反華實近草妖也先華而後

實不書華舉重者也陰成陽事象臣顓君作威福

元帝初元四年皇后曾祖父濟南東平陵王伯墓門梓柱卒生枝葉上出屋向以爲王氏貴盛將代漢家之象也後王莽篡位自說之曰初元四年莽生之歲也當漢九世火德之厄而有此祥興于高祖考之門門爲開通梓猶子也言王氏當有賢梓開通祖統起於柱石大臣之位受命而王之符也

昭公二十五年夏鸛鶴來巢向以爲有蜚有蠶不言來者氣所生所謂雉也鸛鶴言來者氣所至所謂祥

也鸛鶴夷狄穴藏之禽來至中國不穴而巢陰居陽

位象季氏將逐昭公去宮室而居外野也

穀梁傳注引劉向曰

去穴而巢此陰居陽位臣逐君之象也

鸛鶴白羽旱之祥也穴居而好

水黑色為王急之應也天戒若曰既失眾不可急暴

急暴陰將持節陽以逐爾去宮室而居外野矣昭不

寤而舉兵圍季氏為季氏所敗出奔于齊遂死于外

野

景帝三年十一月有白頸烏與黑烏羣鬪楚國呂縣

白頸不勝墮泗水中死者數千向以為近白黑祥也

時楚王戊暴逆無道刑辱申公與吳王謀反烏羣鬪者師戰之象也白頸者小明小者敗也墮於水者將死水地王戊不寤遂舉兵應吳與漢大戰兵敗而走至于丹徒爲越人所斬墮死於水之效也

昭帝時有鵜鷗或曰禿鶩集昌邑王殿下王使人射殺之向以爲水鳥色青青祥也周王馳騁亡度慢侮大臣不敬至尊有服妖之象故青祥見也野鳥入處宮室將空王不寤卒以亡

魯襄公時宋有生女子赤而毛棄之隄下宋平公母

共姬之御者見而收之因名曰棄長而美好納之平
公生子曰佐後宋臣伊戾讒太子痤而殺之先是大
夫華元出奔晉華弱奔魯華臣奔陳華合比奔衛向
以爲時則火災赤眚之明應也

惠帝二年天雨血於宜陽一頃所向以爲赤眚也時
又冬雷桃李華常與之罰也是時政舒緩諸呂用事
讒口妄行殺三皇子建立非嗣及不當立之王退王
陵趙堯周昌呂太后崩大臣共誅滅諸呂偃尸流血
也

庶徵之恒寒向以爲春秋無其應周之末世舒緩徵
弱政在臣下與煖而已故籍秦以爲驗秦始皇帝卽
位尙幼委政太后太后淫於呂不韋及嫪毐封毐爲
長信侯以太原郡爲毐國宮室苑囿自恣政事漸焉
故天冬雷以見陽不禁閉以涉危害舒與迫近之變
也始皇旣冠毒懼誅作亂始皇誅之斬首數百級大
臣二十人皆車裂以殉夷滅其宗遷四千餘家於房陵
是歲四月寒民有凍死者數年之間緩急如此寒與
輒應此其效也

向以爲常雨屬貌不恭

桓公八年十月雨雪周十月今八月也未可以雪向以爲時夫人有淫齊之行而桓有妬媚之心夫人將殺其象見也桓不覺寤後與夫人俱如齊而殺死比雨陰也雪又雨之陰也出非其時迫近象也

釐公十年冬大雨雪向以爲先是釐公立妾爲夫人

陰居陽位陰氣盛也

穀梁傳注引劉向日夫人成風也致之于太廟立之以爲夫人

昭公四年正月大雨雪向以爲昭取於吳而爲同姓謂之吳孟子君行於上臣非於下又三家已彊皆賤

公行慢侮之心生

定公元年十月隕霜殺菽向以爲周十月今八月也於卦爲觀陰氣未至君位而殺誅罰不由君出在臣下之象也是時季氏逐昭公公死于外定公得立故天見災以祝公也釐公二年十月隕霜不殺草爲嗣君微失秉事之象也其後卒在臣下則災爲之生矣異故言草災故言菽重殺穀

釐公二十九年秋大雨雹向以爲盛陽雨水溫暖而陽熱陰氣脅之不相入則轉而爲雹盛陰雨雪凝滯

而冰寒陽氣薄之不相人則散而爲霰故沸湯之在
閉器而湛於寒泉則爲冰及雪之消亦冰解而散此
其驗也故雹者陰脅陽也霰者陽薄陰也春秋不書
霰者猶月食也釐公末年信用公子遂遂專權自恣
將至於殺君故陰脅陽之象見釐公不寤遂終顛權
後二年殺子赤立宣公

左傳釐公三十二年十二月己卯晉文公卒庚辰將
殯于曲沃出絳柩有聲如牛向以爲近鼓妖也喪凶
事聲如牛怒象也將有急怒之謀以生兵革之旤是

時秦繆公遣兵襲鄭而不假道還晉大夫先軫謂襄
 公曰秦師過不假塗請擊之遂要峭隄以敗秦師匹
 馬筋輪無反者操之急矣晉不惟舊而聽虐謀厥怨
 疆國四被秦寇既流數世凶惡之效也史記秦二世
 元年天無雲而雷向以為雷當託於雲猶君託於臣
 陰陽之合也二世不恤天下萬民有怨畔之心御覽引此
 文云雷陽也雲陰也有雲然後有雷象君臣也故雲
 雷相託陰陽相合也今二世不怕人人臣畔之故無
 雲而雷也是歲陳勝起天下叛趙高作亂秦遂以亡

史記秦始皇八年河魚大上向以為近魚孽也是歲

始皇弟長安君將兵擊趙反死屯留軍吏皆斬遷其
民於臨洮明年有嫪毐之誅魚陰類民之象逆流而
上者民將不從君令爲逆行也其在天文魚星中河
而處車騎滿野至于二世暴虐愈甚終用急亡

桓公五年秋螽向以爲介蟲之孽屬言不從是歲公
獲二國之聘取鼎易邑興役起城

嚴公二十九年有蜚向以爲蜚色青近青管也非中
國所有南越盛暑男女同川澤淫風所生爲蟲臭惡
春秋疏引此文云蜚負蟻夷狄之物越之是歲嚴公
所生其爲蟲臭惡南方淫女氣之所生也

取齊淫女為夫人既入淫於兩叔故蜚至天戒若曰
今誅絕之尙及不將生臭惡聞於四方嚴公不寤其
後夫人以兩叔作亂二嗣以沒

釐公十五年八月螽向以為先是螿有鹹之會後城
緣陵是歲復以兵車為牡立會使公孫敖帥師及諸
侯大夫救徐兵比三年在外

文公三年秋雨螽于宋向以為先是宋殺大夫而無

鼻有暴虐賦斂之應類聚引此文云春秋之螽者螽
災也以刑罰暴虐貪叨無厭興

師動象螽為害矣兩螽于宋是時宋公
暴虐刑重賦斂無已故應是而兩螽

宣公六年八月螽向以爲先是時宣伐莒向後比再
如齊謀伐萊

襄公七年八月螽向以爲先是襄興師救陳滕子邾
子小邾子皆來朝夏城費

哀公十二年十二月螽向以爲春用田賦冬而螽
宣公十五年冬蜾生向以爲蜾螟始生也

左傳嚴公八年齊襄公田于貝丘見豕從者曰公子
彭生也公怒射之豕人立而嘯公懼墜車傷足喪屨
向以爲近豕醜也先是齊襄公淫于妹魯桓公夫人

使公子彭生殺威公又殺彭生以謝魯公孫無知有
寵於先君襄公紉之無知帥怨恨之徒攻襄於田所
襄匿其戶間足見於戶下遂殺之傷足喪屨卒死於
足虐急之效也昭帝元鳳元年燕王宮永巷中豕出
園壞都竈衝其牆六七枚置殿前向以爲近豕旣也
時燕王且與長公主左將軍謀爲大逆誅殺諫者暴
急無道竈者生養之本豕而敗竈陳黼於庭黼竈將
不用宮室將廢辱也燕王不改卒伏其辜

史記魯襄公二十三年穀洛水鬪將毀王宮向以爲

近火沴水也周靈王將擁之有司諫曰不可長民者
不崇黻不墮山不妨川不寶澤今吾執政毋乃有所
辟而滑夫二川之神使至于爭明以防王宮室王而
備之毋乃不可乎懼及子孫王室愈卑王卒擁之以
傳推之以四瀆比諸侯穀洛其次卿大夫之象也爲
卿大夫將分爭以危亂王室也是時世卿顯權僭括
將有篡殺之謀如靈王覺寤匡其失政懼以承戒則
災禍除矣不聽諫謀簡媢大異任其私心塞堦擁下
以逆水執而害鬼神後數年有黑如日者五是歲蚤

霜靈王崩景王立二年僭括欲殺王而立王弟佞夫
佞夫不知景王并諫佞夫及景王死五大夫爭權或
立子猛或立王子朝王室大亂

史記秦武王三年渭水赤者三日昭王三十四年渭

水又赤三日向以為近火沴水也水經注引洪範五行傳曰赤者火色

也水盡赤以火沴水也渭水秦大川也陰陽亂秦用嚴刑敗亂之象秦連相坐之法棄

灰於道者黥固密而刑虐加以武伐橫出殘賊鄰國

至於變亂五行氣色謬亂天戒若曰勿為刻急將致

敗亡秦遂不改至始皇滅六國二世而亡昔三代居

三河河洛出圖書秦居渭陽而渭水數赤瑞異應德之效也

溫而風則生螟螣有裸蟲之孽向以爲於易巽爲風爲木卦在三月四月繼陽而治主木之華實風氣盛至秋冬木復華故有華孽

庶徵之常風向以爲春秋無其應

文帝二年六月淮南王都壽春大風毀民室殺人向以爲是歲南越反攻淮南邊淮南王長破之後年入朝殺漢故丞相辟陽侯上赦之歸聚姦人謀逆亂自

稱東帝見異不寤後遷于蜀道死靡

釐公十五年九月己卯晦震夷伯之廟向以爲晦暝

也震雷也夷伯世大夫正書雷其廟獨冥天戒若曰

勿使大夫世官將顛事暝晦向又以爲此皆所謂夜

妖者也

宋五行志引劉向春秋說曰天戒若曰勿使大夫世官將令專事暝晦期年魯季友卒果

世官而公

室卑矣

隱公五年秋螟向以爲時公觀漁于棠貪利之應也

嚴公六年秋螟向以爲先是禘侯朔出奔齊齊侯會

諸侯納朔許諸侯賂齊人歸衛寶魯受之貪利應也

宣公三年郊牛之口傷改卜牛牛死向以爲近牛旣也是時宣公與公子遂共謀殺子赤而立又以喪娶區霽昏亂亂成於口幸有季文子得免於旣天猶惡之生則不饗其祀死則災燔其廟

秦孝文王五年旃胸衍有獻五足牛者向以爲近牛旣也先是文惠王初都咸陽廣大宮室南臨渭北臨涇思心失逆土氣足者止也戒秦速止奢秦將致危亡秦遂不改至於離宮三百復起阿房未成而亡

景帝中六年梁孝王田北山有獻牛足上出背上向

以爲近牛旣先是孝王驕奢起苑方三百里宮館閣
道相連三十餘里結於邪臣羊勝之計欲求爲漢嗣
刺殺議臣袁盎事發負斧歸死旣退歸國猶有恨心
內則思慮霧亂外則土功過制故牛旣作足而出於
背下奸上之象也猶不能自解發疾暴死又凶短之
極也

洪範五行傳卷下

漢 沛郡劉向撰

金谿林光紀校

左傳昭公二十一年春周景王將鑄無射鍾泠州鳩曰王其以心疾死乎夫天子省風以作樂小者不窺大者不擻擻則不容心是以感感實生疾今鍾擻矣王心弗裁其能久乎向以爲是時景王好聽淫聲適庶不明思心霧亂明年以心疾崩近心腹之病凶短之極者也

史記周幽王二年周三川皆震向以爲金木水火土

土者也伯陽甫曰周將亡矣天地之氣不過其序若
過其序民亂之也陽伏而不能出陰迫而不能升於
是有地震今三川實震是陽失其所而填陰也陽失
而在陰原必塞原塞國必亡夫水土演而民用也土
無所演而民乏財用不亡何待昔伊洛竭而夏亡河
竭而商亡今周德如二代之季其原又塞塞必竭川
竭山必崩夫國必依山山川崩川竭亾之徵也若國
亡不過十年數之紀也是歲三川竭岐山崩向以爲
陽失在陰者謂火氣來煎枯水故川竭也山川連體

下竭上崩事執然也時幽王暴虐矣誅伐不聽諫逃於褒姒廢其正后廢后之父申侯與犬戎共攻殺幽王

文公九年九月癸酉地震向以爲先是時齊桓晉文魯釐二伯賢君新沒周襄王失道楚穆王殺父諸侯皆不肖權傾於下天戒若曰臣下疆盛者將動爲害後宋魯晉莒陳鄭齊皆殺君

襄公十六年五月甲子地震向以爲先是雞澤之會諸侯盟大夫又盟是歲三月諸侯爲溴梁之會而大

漢魏遺書卷之十一
夫獨相與盟五月地震矣其後崔氏專齊樂盈亂晉
良霄傾鄭闇殺吳子燕逐其君楚滅陳蔡

昭公十九年五月己卯地震向以爲是時季氏將有
逐君之變其後宋三臣曹會皆以地叛蔡莒逐其君
吳敗中國殺二君

二十三年八月乙未地震向以爲是時周景王崩劉
單立王子猛尹氏立子朝其後季氏逐昭公黑肱叛
邾吳殺其君僚宋五大夫晉二大夫皆以地叛
定公三年四月甲午地震向以爲是時諸侯皆信邪

臣莫能用仲尼盜殺蔡侯齊陳乞弑君

釐公十四年秋八月辛卯沙麓崩向以為臣下背叛

散落不事上之象也

穀梁傳注引此文云麓在山下平地臣象陰位也崩者散落皆

叛不事上之象先是齊桓行伯道會諸侯事周室管仲既死

桓德日衰天戒若曰伯道將廢諸侯散落政逮大夫

陪臣執命臣下不事上矣桓公不寤天子蔽晦及齊

桓死天下散而從楚王札子殺二大夫晉敗天子之

師莫能征討從是陵遲

成公五年夏梁山崩穀梁傳曰靡河三日不流晉君

帥羣臣而哭之。迺流向以爲山陽君也。水陰民也。天戒若曰：君道崩壞，下亂百姓，將失其所矣。吳然後流，喪亾象也。梁山在晉地，自晉始而及天下也。後晉暴殺三卿，厲公以弑，渙梁之會，天下大夫皆執國政。其後孫寯出，衛獻三家逐，魯昭單尹亂王室。

文帝元年四月，齊楚地山二十九所同日俱大發水，潰出向以爲近水，沴土也。天戒若曰：勿盛齊楚之君，今失制度，將爲亂。

成帝河平三年二月丙戌，犍爲柏江山崩，捐江山崩。

皆應江水江水逆流壞城殺十三人地震積二十一日百二十四動元延三年正月丙寅蜀地岷山崩靡江江水逆流三日迺通向以爲周時岐山崩三川竭而幽王亡岐山者周所興也漢家本起於蜀漢今所起之地山崩川竭星孛又及攝提大角從參至辰殆必亡矣

皇極之常陰向以爲春秋亡其應一曰久陰不雨是也

嚴公十八年秋有蜮向以爲蜮生南越越地多婦人

男女同川淫女為王亂氣所生故聖人名之曰蜮春秋

疏引此文云蜮如鼈三足生於南越南越婦人人多淫故其地多盛淫女惑亂之氣所生也蜮猶惑

也在水旁能射人射人有處甚者至死南方謂之短

狐書鈔引此文云蜮者一名短狐吳越熱地所生口

瘡甚則近射妖死亡之象也時嚴將取齊之淫女故

蜮至天戒若曰勿取齊女將生淫惑篡弑之禍嚴不

寤遂取之入後淫於二叔二叔以死兩子見弑夫人

亦誅

史記魯哀公時有隼集於陳庭而死楛矢貫之石弩

長尺有咫向以爲隼近黑祥貪暴類也矢貫之近射
妖也死于庭國亡表也象陳眊亂不服事周而行貪
暴將致遠夷之旤爲所滅也是時中國齊晉南夷吳
楚爲彊陳交晉不親附楚不固數被二國之旤後楚
有白公之亂陳乘而侵之卒爲楚所滅

史記夏后氏之衰有二龍止於夏廷而言余衰之二
君也夏帝卜殺之去之止之莫吉卜請其瘞而藏之
乃吉於是布幣策告之龍亡而瘞在乃匱去之其後
夏亡傳匱於殷周三代莫發至厲王末發而觀之瘞

流于廷不可除也厲王使婦人羸而譟之爰化爲玄
龜入後宮處妾遇之而孕生子懼而棄之宣王立女
童魯曰檠弧其服實亡周國向以爲夏后季世周之
幽厲皆諄亂逆天故有龍龜之怪近龍蛇孽也爰血
也一曰洙也檠弧桑弓也其服葢以其草爲箭服近
射妖也女童言者旣將生於女國以兵寇亡也

左傳昭公十九年龍鬪於鄭時門之外洧淵向以爲
近龍孽也鄭以小國攝乎晉楚之間重以疆吳鄭當
其衝不能修德將鬪三國以自危亡是時子產任政

內惠於民外善辭令以交三國鄭卒亡患能以德消
變之效也

惠帝二年正月癸酉且有兩龍見於蘭陵廷東里温
陵井中至乙亥夜去向以爲龍貴象而困於庶人井
中象諸侯將有幽執之既其後呂太后幽殺三趙王
諸呂亦終誅滅

左傳魯嚴公時有內蛇與外蛇鬪鄭南門中內蛇死
向以爲近蛇孽也先是鄭厲公劫相祭仲而逐兄昭
公代立後厲公出奔昭公復入死弟子儀代立厲公

自外劫大夫傅瑕使僂子儀此外蛇殺內蛇之象也
後漢書注引此云初鄭厲公劫相祭仲而篡兄昭公
立為鄭君後雍糺之難厲公出奔鄭人立昭公既立
內蛇與外蛇鬪鄭南門中內蛇死是時傅瑕仕于鄭
欲紂厲公故內蛇死者昭公將敗厲公將勝之象也
是時昭公宜布恩施惠以撫百姓修德崇德以厲羣
臣觀察左右以省姦謀則內變不得生外謀無由起
矣昭公不覺果殺于傅瑕二
子死而厲公入此其效也

左傳文公十六年夏有蛇自泉宮出入于國如先君
之數向以為近蛇孽也泉宮在國中公母姜氏嘗居
之蛇從之出象宮將不居也詩曰維虺維蛇女子之
祥又蛇入國國將有女憂也如先君之數者公母將

麋象也

史記秦孝公二十一年有馬生人

御覽引本傳云秦

馬生人非其類也必有非姓者其後姓

孝公二十一年有

皇蓋呂不韋子終以絕嗣此非姓也 昭王二十年

牡馬生子而死向以爲皆馬旣也孝公始用商君攻
守之法東侵諸侯至於昭王用兵彌烈其象將以兵
革抗極成功而還自害也牡馬非生類安生而死猶
秦恃力疆得天下而還自滅之象也

文帝十二年有馬生角於吳角在耳前上鄉右角長
三寸左角長二寸皆大二寸向以爲馬不當生角猶

吳不當舉兵鄉上也是時吳王濞封有四郡五十餘
城內懷驕恣變見於外天戒早矣王不寤後卒舉兵
誅滅

文公十一年敗狄于鹹穀梁公羊傳曰長狄兄弟三
人一者之魯一者之齊一者之晉皆殺之身橫九疇
斷其首而載之眉見於軾向以爲是時周室衰微三
國爲大可責者也天戒若曰不行禮義大爲夷狄之
行將至危亡其後三國皆有篡弑之旣近下人伐上
之病也

初學記引此文云長
狄之人蓋五丈餘也

隱公三年三月己巳日有食之向以爲其後戎執天子之使鄭獲魯隱滅戴衛魯宋咸殺君

桓公三年七月壬辰朔日有食之既向以爲前事已大後事將至者又大則既先是魯宋弑君魯又成宋亂易許田亡事天子之心楚僭稱王後鄭拒王師射桓王又二君相篡

十七年十月朔日有蝕之向以爲是時衛侯朔有罪出奔齊天子更立衛君朔藉助五國舉兵伐之而自立王命遂壞魯夫人淫失於齊卒殺桓公

嚴公十八年三月日有蝕之穀梁傳曰不言日不言
朔夜食向以爲夜食者陰因日明之衰而奪其光象
周天子不明齊桓將奪其威專會諸侯而行伯道其
後遂九合諸侯天子使世子會之此其效也

二十六年十二月癸亥朔日有食之向以爲時戎侵
曹魯夫人淫於慶父叔牙將以弑君故比年再食以
見戒

三十年九月庚午朔日有食之向以爲後魯二君弑
夫人誅兩弟死狄滅邾徐取舒晉殺世子楚滅弦

釐公五年九月戊申朔日有蝕之向以爲先是齊桓
行伯江黃自至南服彊楚其後不內自正而外執陳
大夫則陳楚不附鄭伯逃盟諸侯將不從桓政故天
見戒其後晉滅虢楚圍許諸侯伐鄭晉弑二君狄滅
溫楚伐黃桓不能救

十二年三月庚午朔日有食之向以爲是時楚滅黃
狄侵衛鄭莒滅杞

十五年五月日有食之向以爲象晉文公將
直
後遂伐衛執曹伯敗楚城濮再會諸侯召天王而朝

之此其效也

文公九年二月癸亥日有食之向以爲先是大夫始
執國政公子遂如京師後楚世子商臣殺父齊公子
商人弑君皆自立宋子哀出奔晉滅江楚滅六大夫
公孫敖叔彭生並專會盟

十五年六月辛丑朔日有食之向以爲後宋齊莒晉
鄭八年之間五君殺死楚滅舒蓼

宣公八年七月甲子日有食之既向以爲先是楚商
臣弑父而立至於嚴王遂疆諸夏大國唯有齊晉齊

晉新有篡弑之亂內皆未安故楚乘弱橫行八年之間六侵伐而一滅國伐陸渾戎觀兵周室後又入鄭鄭伯肉袒謝罪北敗晉師于邲流血色水圍宋九月析骸而炊之

十年四月丙辰日有食之向以爲後陳夏徵舒弑其君楚滅蕭晉滅二國王札子殺召伯毛伯

十七年六月癸卯日有食之向以爲後邾支解鄆子晉敗王師于貿戎敗齊于鞏

成公十六年六月丙寅朔日有食之向以爲後晉敗

楚鄭于鄢陵執魯侯

十七年十二月丁巳朔日有食之向以為後楚滅舒

庸晉弑其君宋魚石因楚奪君邑莒滅鄆齊滅萊鄭

伯弑死

襄公十四年二月乙未朔日有食之向以為後衛大

夫孫寧共逐獻公立孫剽

十五年八月丁巳日有食之向以為先是晉為雞澤

之會諸侯盟又大夫盟後為溴梁之會諸侯在而大

夫獨相與盟君若綴旒不得舉手

二十七年十二月乙亥朔日有食之向以爲自二十年至此歲八年閏日食七作既亂將重起故天仍見戒也後齊崔杼弑君宋殺世子北燕伯出奔鄭大夫外人而篡位

昭公七年四月甲辰朔日有食之向以爲先是楚靈王弑君而立會諸侯執徐子滅賴後陳公子招殺世子楚因而滅之又滅蔡後靈王亦弑死

二十四年五月乙未朔日有食之向以爲自十五年至此歲十年間天戒七見人君猶不寤後楚殺我蠻

子晉滅陸渾戎盜殺衛侯兄蔡苜之君出奔吳滅巢
公子光殺王僚宋三臣以邑叛其君

三十一年十二月辛亥朔日有食之向以爲時吳滅
徐而蔡滅沈楚圍蔡吳敗楚入郢昭王走出

定公五年三月辛亥朔日有食之向以爲後鄭滅許
魯陽虎作亂竊寶玉大弓季桓子退仲尼宋三臣以
邑叛

十二年十一月丙寅朔日有食之向以爲後晉三大
夫以邑叛薛弑其君楚滅頓胡越敗吳衛逐世子

十五年八月庚辰朔日有食之向以爲盜殺蔡侯齊
陳乞弑其君而立陽生孔子終不用

惠帝七年五月丁卯先晦一日日有食之幾盡在七
星初向以爲五月徵陰始起而犯至陽其占重至其
八月宮車晏駕有呂氏詐置嗣君之害

武帝建元二年二月丙戌朔日有食之在奎十四度
向以爲奎爲卑賤婦人後有衛皇后自至微輿卒有
不終之害

元光元年七月癸未先晦一日日有食之在翼八度

向以爲前年高園便殿災與春秋御廩災後日食於
翼軫同其占內有女變外爲諸侯其後陳皇后廢江
都淮南衡山王謀反誅日中時食從東北過半晡時
復

昭帝元鳳元年七月己亥晦日有食之幾盡在張十
二度向以爲己亥而旣其占重後六年宮車晏駕卒
以亡嗣

成帝河平元年四月己亥晦日有食之不盡如鉤在
東井六度向對日四月交於五月月同孝惠日同孝

昭東井京師地且既其占恐害繼嗣日蝕食時從西南起

成帝建始元年八月戊午晨漏未盡三刻有兩月重見京房易傳曰婦貞厲月幾望君子征凶言君弱而婦彊爲陰所乘則月並出晦而月見西方謂之朧朔而月見東方謂之仄慝穀梁疏引作側慝○上二句係伏生尙書大傳本文向以爲朧者疾也君舒緩則臣驕慢故日行遲而月行疾也仄慝者不進之意君肅急則臣恐懼故日行疾而月行遲不敢迫近君也不舒緩不急以正失之者食

朔日

嚴公七年四月辛卯夜恒星不見夜中星隕如雨向

以爲常星二十八宿者人君之象也衆星萬民之類

也列宿不見象諸侯微也衆星隕墜民失其所也穀

傳注引此云隕者象諸侯隕墜失其所也向以爲夜中者言不得終性命

中道敗也穀梁傳注引此文云夜中而隕者象不終其性命中道而落

文公十四年七月有星孛入於北斗向以爲君臣亂

於朝政令虧於外則上濁三光之精五星羸縮變色

逆行甚則爲孛北斗人君象孛星亂臣類篡殺之表

也穀梁傳注引此文云北斗貴星人君之象也
弗星亂臣之類言邪亂之臣將並弑其君

昭公十七年有星孛於大辰向以爲星傳曰心大星
天王也其前星太子後星庶子也尾爲君臣乖離孛
星加心象天子適庶將分爭也其在諸侯角亢氏陳
鄭也房心宋也後五年周景王崩王室亂大夫劉子
單子立王猛尹氏召伯毛伯立子鼂子鼂楚出也時
楚彊宋衛陳鄭皆南附楚王猛旣卒敬王卽位子鼂
入王城天王居狄泉莫之敢納五年楚平王居卒子
鼂奔楚王室乃定後楚帥六國伐吳吳敗之於鷄父

殺獲其君臣蔡怨楚而滅沈楚怒圍蔡吳人救之遂

為栢舉之戰敗楚師屠郢都妻昭王母鞭平王墓此

皆李彗流災所及之效也穀梁傳注引劉向曰大辰

而曰大辰者謂濫于蒼龍之體不獨加大火

哀公十三年冬十一月有星孛于東方向以為不言

宿名者不加宿也以辰乘日而出亂氣蔽君明也明

年春秋事終

高帝三年七月有星孛于大角旬餘乃入向以為是

時項羽為楚王伯諸侯而漢已定三秦與羽相距滎

陽天下歸心於漢 彗將滅故彗除王位也

文帝後七年九月有星孛于西方其本直尾箕末指
虛危長丈餘及天漢十六日不見向以爲尾宋地今
楚彭城也箕爲燕又爲吳越齊宿在漢中負海之國
水澤地也是時景帝新立信用鼂錯將誅正諸侯王
其象先見後三年吳楚四齊與趙七國舉兵反皆誅
滅云

武帝建元六年六月有星孛于北方向以爲明年淮
南王安入朝與大尉武安侯田蚡有邪謀而陳后驕

悉其後陳后廢而淮南王反誅

宣帝地節元年正月有星孛于西方去太白二丈所向以爲太白爲大將孛孛加之掃滅象也明年大將軍霍光薨後二年家夷滅

成帝建始元年正月有星孛于營室青白色長六七丈廣尺餘向以爲營室爲後宮懷妊之象孛星加之將有害懷妊絕繼嗣者

元延元年七月辛未有星孛于東井踐五諸侯出河戌北率行軒轅太微後日六度有餘晨出東方十三

日夕見西方犯次妃長秋斗填蝨災再貫紫宮中大
火當後達天河除於妃后之域南逝度犯大角攝提
至天市而按節徐行炎入市中旬雨後西去五十六
日與蒼龍俱伏劉向日三代之亡攝提易方秦項之
際星孛大角是歲趙昭儀害兩皇子後五歲成帝崩
昭儀自殺

釐公十六年正月戊申朔隕石于宋五是月六鵝左傳

疏引五行傳曰鵝退飛過宋都向以爲象宋襄公欲

行伯逆將自敗之戒也石陰類五陽數自上而隕此

陰而陽行欲高反下也

穀梁傳注引此文云象陰而陽行將致墜落

石與

金同類色以白為主近白祥也鵙水鳥六陰數退飛

欲進反退也

穀梁傳注引此文云鵙陽也六陰數也象陽而陰行必衰退

其色青

青祥也屬於貌之不恭天戒若曰德薄國小勿持抗

陽欲長諸侯與疆大爭必受其害襄公不寤明年齊

桓死伐齊喪執滕子圍曹為孟之會與楚爭盟卒為

所執後得反國不悔過自責復會諸侯伐鄭與楚戰

于泖軍敗身傷為諸侯笑

上並漢書五行志

周公死成王不圖大禮故天大雷雨禾偃大木拔及

成王寤金縢之策改周公之葬尊以王禮申命魯郊
而天立後風雨禾稼盡起

太白少陰之星以己未爲界不得經天而行太白經
天而行爲不臣今至午是爲經天也

並後漢書注

周衰無寒歲秦滅無煥年

宋五行志

正月雷雨動而雉雊雷諸侯之象也雉亦人君之類
昌邑王賀爲帝天陰七日晝夜不見日月賀欲出行
光祿大夫夏侯勝當車諫曰天久陰不雨臣下有謀
上者陛下欲何之

天子曰靈臺諸侯曰時臺所以觀天文之變

並初學記

魯桓公五年大雩旱也先是公弑君而立有自危之心而下有怨懟之氣外結大國取於齊以爲夫人後比二年天子使大夫來聘桓上得天子意下憑大國之心則有亢陽之意以御臣下興邢丑之役以勞百姓則臣下離心而不從故應是而秋大旱

旱所謂常陽不謂常陽而謂旱者以爲災也旱之爲言乾也萬物傷於乾而不得水也君持亢陽之節暴虐於下興師旅勤一作衆勞民以起城邑臣下悲怨

而心不從故陽氣盛而失度故旱災應也

介蟲有甲能蜚陽之類陽氣所生於春秋爲螽今謂

之蝗皆其類也旱氣動象至矣故曰有介蟲之孽並類

聚○後漢書僖帝紀注引傳曰貪利傷人則蝗蟲損稼

日者照明之大表光景之大紀羣陽之精一作宗衆貴

之象也故曰日出而天下光明日入而天下冥晦此

其效也故日者天之象君父夫兄之類中國之應也

明王之踐位羣賢履職天下和平黎民康寧則日麗

其精明揚其景耀抱珥重光以見吉祥君獲慶賀

彗者去穢布新也此天所以去無道而建有德也
凡大風雷爲不敬也

春後十日雷乃發聲

人君妬賢嫉善在下謀上則日蝕雨雹殺走獸

雲者起於山彌於天陰氣也王者失中臣下敢蔽君
不明則雲陰象多蔽天光有雲如象謂風師法有大
兵

厯者聖人所以揆天行而紀萬國也孔子作春秋正
春正秋所以重厯也五家之厯多疏濶唯顛頊厯微

近故張蒼用顛頊厯元封中用大初厯測破望最密也

魯宣公十年秋大旱公興師伐邾取繹

一引作公與齊伐萊夫

伐國亢陽葢師旅百姓所不欲也應是大旱

魏襄王十三年張儀詐得罪於秦而去相魏將爲秦而欺奪君是歲魏有女子化爲丈夫者天若語魏曰勿用張儀陰變爲陽臣將爲君是時魏亦覺之不用張儀儀免去歸秦魏無害

秦昭王三十八年上郡大飢山木盡死

秦始皇九年四月寒凍民有死者

七國之兵戰於梁地故天狗先降梁壘見以其象也
狗者守禦之類也所降以感守禦也

昭帝元鳳中有烏鵲屬於燕王池上烏墮烏類君之
象

龜之爲言久也千歲而靈此禽獸而知吉凶者也著
之爲言耆也百年一本生百莖此草木之善知吉凶
者也聖人以問鬼神焉

若煩數溷瀆或不精嚴神不告也或觀卦察兆吉不

得也或繼不禱者不靈此其所以過差聖人不得專
用也論者共違於人神靈不佑也

凡有所害謂之災無所害而異於常謂之異害為已

至異為方來詩疏引此文云非常曰異害物曰災

枉矢者弓矢之象也枉矢之所觸天下之所伐滅亡
之象也

章帝時零陵生芝草五本並御覽

金西方萬物既成殺氣之始也故立秋出軍行師

辰星者北方水精也並文選注

地者成萬物也

書